

孟子精以經

二

口仁12

1399

24

早稻田大學附屬
圖書館

第一寄

經書

第 98 號

第 4 卷

此書館不外許帶出



1599
24

孟子精蘊



公孫丑上

曾西

劉向曰左丘明授春于曾申 趙岐曰曾西曾子之
孫 陸德明曰曾參之子受詩於子夏 王伯厚曰
曾西趙岐注以為曾子之孫集注因之經曲序錄曾
申字子西曾參之子子夏以詩傳曾申左丘明作傳
以授曾申曾西之學于此可故楚關宜申 子申
皆字子西則知曾申之為曾西尤疑

曾西曰吾先子之所畏也先子父之稱也

檀弓曾子易箦曾元曾申生於是

經曲序錄子夏以詩傳曾申左丘明作傳以授曾申

蓋曾申字子西 **左傳**楚闔宜申字子西公子申字

子西申於十二支為西方之辰故名申者字西王伯

原毛奇齡曾辨之朱注曾西曾子之誤矣 王伯厚困學記聞

原厚之誤字

置郵

五雜俎孟子德之流行遠於置郵而傳命注置驛也

郵駟也所以傳命也今人驛與駟多通用而不知其

異也按馬傳曰置步傳曰郵置者扶馬也郵者鋪遠

也既言置又言郵蓋亦當時俗語如今言馭鋪也至

廣雅解曰置驛也郵亦驛也誤以駟為驛也王伯厚

曰**呂氏春秋**舜行德三年而三苗服孔子聞之曰通

乎德之情則孟門大行不為險矣故曰德之速疾乎

以郵命此可以證孟子引孔子之言

不動心

論語四十而不惑

動心懼與惑也 **論語**智者不惑勇者不懼下文養氣

勇也故曰至大至剛而直知言知也故曰知詖淫邪
道不知此義則論諸子之勇極似突出
郝敬曰養氣知言不動心之說前是未發養氣即論
語三戒也知言即不知言無以知人也不動心即無
可無不可也大抵七篇之言無一字不淵源于孔子

市朝

檀弓兄弟之讎過諸市朝奔走喪哭辟市朝
孟嘗君傳日暮之後遇市朝者掉臂不顧索隱云言
市之行列有如朝位故曰市朝此等市朝皆言肆市
顧炎武引說命若捷于市周禮司市凡有罪者捷戮

(而) (罰) (之) 言古朝無捷人之事恐非矣

舜典五服三就偽傳云大罪於原野大夫於朝士於

市魯語刑五而已大者陳之原野小者致之市朝

五刑三次是無隱也韋注三次野朝市

左傳齊莊公殺戎子尸諸朝非礼也婦人無刑雖有

刑不在市朝襄十九年刑婦人不在朝市則男子在

朝市且不言市朝而言朝市則朝与市也

左傳又云衛獻公殺寧喜及右宰穀尸諸朝襄二十

七年 語云肆諸市朝照諸左氏亦市与朝也因傳又云楚

王殺子南於朝襄二十三年既殺之又尸之皆於朝則捷

辱亦何憚於朝乎

孟施舍似曾子北宮黜似子夏

曾子子夏亦以勇言曾子之勇則下文大勇是也孟施舍之守氣畧似曾子之守約故曰孟施舍似曾子子夏之勇見於韓詩外傳子夏嘗與公孫脩論勇於靈公前曰子之勇不若我者三矣其言雖不可信而其事酷肖北宮黜刺萬乘若褐夫矣故曰北宮黜似子夏此說予得諸陳禹謨說備矣朱注舍專守己曾子反求諸己是其所以似猶之可矣黜務勝人子夏篤信聖人何所彷彿可謂牽強之甚且也下文明言曾

子之勇則子夏亦非勇而何子夏雖義勇既已好勝則與北宮黜同故不舉之

北宮黜之養勇以勝為主者也故一敗則撓弱孟施舍之養勇以無懼自守者也故百敗則不撓

雖千萬人

梁惠王下王請无好小勇夫撫劍疾視曰彼惡敢當

我哉此匹夫之勇敵一人者也王請大之

一人與千萬人相對

塞乎天地間

孔子間居志氣塞乎天地行之克于四海

荀子血氣和平志意廣大行義塞於天地之間仁知之極也夫是之謂聖人君道

以直

施彥執北憲矣輟錄至大至剛以直養而無害則塞天地之間伊川則以至大至剛以直為句其下止曰養而無害王介甫則以至大至剛為句其下曰以直養而無害

無是飢也

養氣、餒古所謂養者以飲食為本故与餒對(易以頤為養者飲食之道也左氏亦云夫礼樂慈愛戰所

(雷)也號弗畜也亟戰將饑(莊二十七年)

行有不慊於心則饑矣

大學所謂誠意者勿自欺也如惡、臭如好、色是謂之(謙)矣故君子必慎其獨也義則羞惡之心擴充羞惡之心每事無不義如惡、臭好義如好、色雖人之所不睹不聞恐懼戒慎其言行則浩然之氣油然而若行一不義而自欺此心、慊然而義氣餒矣學庸孟子之言如合府節先聖相傳蓋亦如此告子

王伯厚云文選陳孔璋為曹洪書云有子勝斐然之

志注引墨子曰二三子復於子墨子曰告子勝仁引
墨子曰未必然勝蓋告子之名豈即孟子所謂告子
欤

勿正心

晦庵先生引公羊師出不正反戰不正勝也僖二十六年

然不明白倪思謂忘字作正心二字傳寫之誤也一

字誤為二字

祭義見間以俠鯁鄭注見間當為靨

蔡澤傳吾持梁刺齒肥索隱刺齒肥當作齧肥是其

明證也疊二勿忘是亦文法

無逸云自時厥後立王(生)則逸(生)則逸(生)不知稼穡之

艱難

孟子親(仁)而(民)而愛物是其明證也蓋此章

宋人描苗助長也不耘苗忘也下文有此二者而無

所謂正心者則誤寫明白無可疑者倪文節能決于

古疑案可謂偉矣必有事焉而勿忘言當從事於養

氣而無敢忘焉勿忘勿助長也言雖易忘養氣而又

宜勿助長客氣而害正氣也顧亭林日知錄

必有事焉而勿忘即上文集義也

未助長即上文襲而取之也

宋人

偽則曰齊人愚則曰宋人(齊)東野人之語也孟子

(齊)諧志怪者也莊子是偽也(宋)人描苗孟子(宋)人資

章甫適諸越莊子及宋人竇燕石之類是愚也當時

之語如此

仁且智

迹而若聖与仁則吾豈敢抑為之不厭誨人不倦則

可謂云爾已矣

中庸好學近乎知力行近乎仁

衛將軍文子孔子曰好學則智

湯以七十里文王以百里

日知錄湯以七十里文王以百里孟子為之言以證

王之不待大爾其實文王之國不止百里周自王季

伐諸戎疆土曰大文王自岐遷豐其國已跨三四百

里之地伐崇伐密自河以西彛屬之周至於武王而

及梁益東臨上黨無非周地紂之所不過河南殷

墟其從之者亦但東方諸國而已一征而克商宜其

如振槁也書之言文王曰大邦畏其力文王何嘗不

藉力哉

荀子王霸湯以亳武王以
皆百里之地也天下為
一諸侯為臣通達之屬莫不服從

仁則榮

荀子君道為人主者莫不欲強而惡弱欲安而惡危
欲榮而惡辱是禹桀之所同也

屋無夫里之布

周禮載師凡宅不毛者有里布凡田不耕者出屋粟
凡民無職事出夫家之征閭師凡無職者出夫布是

有里布有夫布朱注引里布不引夫布然夫家之征

恐非夫布同顧亭林日知錄

擴而克之

盡心人皆有所不忍達之於其所忍仁也人皆有所
不為達之於其所為義也

擴克即達也

仁者如射云

中庸子曰射者有似于君子失諸正鵠反求諸其身
射義射者仁之道也射求正諸己己正而后發而

不中則不怨勝己者反求諸己而已矣
論語子曰君子求諸己小人求諸人
愛人不親反其仁治人不治反其智
禮人不答反其敬行有不得皆反求諸己
其身正而天下歸之

舍己從人

偽書大禹謨誓于衆(舍己從人)

論語聞義不能徙不善不能改也

周易益大象見善則遷有過則改也

盡心舜之居深山之中其所以異於深山之野人者

幾希及其聞(一善言見一善行)若決江河沛然莫之能禦也

柳下惠

魯語展禽對減文仲云獲聞之是其人展氏名獲字禽獲禽之字分為名字

列女傳柳下惠死門人將謚之妻曰夫人之子宣為惠乎門人從以為惠

莊子云柳下季亦字也

孔穎達左傳正義柳下是所食之邑 司馬彪莊子

注居柝下

論語柝下惠為士師三黜人曰子未可以去乎曰直道而事人焉往而不三黜枉道而事人何必去父母之邦

言不屑去之意昭然明白

天時云云三里城七里之郭環而攻之

尉繚子天官天官時日不若人事也

公上武議(天時)不如(地利) (地利)不如(人和) (人和)古之聖人謹人事而已

荀子議兵臨武君曰上得(天時)下得(地利)此用兵之

要術也孫卿子曰士民不親附則湯武不能以必勝

也故善附民者是乃善用兵者也故兵要在乎(善) (附)

(民)而已

墨子非攻中今攻(三) (里) (之) (城) (七) (里) (之) (郭)

熊經說周禮夏官秋官皆有環人愈壽作復古編
謂宣合為一官環者占筮之名筮人九筮所謂筮環
專以占致師蓋軍旅占曰時方剋勝之法二環人注
一以環為郤一以環為圍皆未足以盡環之意孟子
曰三里之城七里之郭環而攻之而不勝夫環而攻
之必有得天時者矣若如注說圍而攻之何以曰必
有得天時者若曰環圍則孤虛王相必得一吉方終
是理短環之義不注於圍周蓋公嘗取此說以周禮
天言固是占筮之名天時亦占筮之書大史云大史師
抱天時与大師同車是也注云抱式之吉凶者筮占

推擇取日時方向相尅以知吉凶是故謂之環
封疆

周禮左傳有封人

昭七年左傳芊尹無字曰天子經畧諸侯正封古之
制也封畧之內何非君土

域民非不以封疆之界也

戰必勝

禮器孔子曰我戰則克祭則受福蓋得其道矣
郊特牲故以戰則克以祭則受福

有寒疾

昭元年左傳陰淫寒疾

寒疾醫家所謂傷寒中風後世所謂感冒之類而傷寒之名始出崔寔政論曰夫熊經鳥伸雖延歷之術非傷寒之理呼吸吐納雖度紀之道非續骨之膏

孟仲子

日知錄詩維天之命傳引孟仲子曰大哉天命之無極而美周之礼也閔宮傳引孟仲子曰是謀宮也正義引趙岐云孟仲子孟子從昆弟學於孟子者也譜云孟仲子者子思弟子蓋与孟軻共享子思後學於

孟軻著書論詩毛氏取以為說則又有孟仲子之遺陸璣草木疏云子夏傳魯人申公傳魏人李克之傳魯人孟仲子之傳趙人孫卿之傳魯人大毛公傳小毛公

采薪之憂

史記主父偃傳負薪之病

曲礼君使士射不能則辭以疾言曰某有負薪之憂猶言負薪采薪餘勞也朱注言病不能采薪者誤矣

父召君命召

礼記玉藻凡君召在官不俟履在外不俟車

曲禮(父)召(無)諾先生召無諾唯而起

玉藻父命呼唯而不諾

有達尊三

中庸達德達道達孝 戴記達禮達喪達義皆同達

者達上下古今也

長民

又言君子體仁足以長人

緇衣(君)民者子以愛之則民親之

又云(長)民者章志真教尊仁子愛百姓民說其上矣

又云(君)民者章好以示民俗慎思以御民之淫則民

不惑矣

又云(長)民者衣服不貳從容有常以齊其民則民德

一詩序同

晉語(長)民者無親

大學長國家而務財用

左傳君子長國家者非無賄之患而無令名之難襄

二十三年子產語

樂道

盡心古之賢王好善而忘勢古之賢士何獨不然(樂)

(其)道而忘人之勢故王公不致敬盡禮則不得亟見

之見且猶不得亟而况得而臣之乎
好善尊德也

王之為都者

治王之都邑者也荀子周公曰我文王之為子武王之為弟成王之為叔父吾於天下不賤矣堯問

公羊傳云宰周者何天子之為政者也 僖九年

皆同例也**甘誓**以御正其馬作御其馬之正**論語**以為異問異作為異之問**天學**以使小人為國家三年問以不若禽獸也作禽獸之不若及**因傳**我周之自

出我之自立我之自入襄二十五年然則對齊美乎

是皆以之字緩其辭古文自有此一法耳

則吾不知也

論語狂而不直吾不知之矣 又云可以難矣仁則

吾不知也

綽々然

淇澳寬兮綽兮

中庸寬裕溫柔

綽緩也 俗亦徐緩之意

王驩

張南軒答朱元晦問王驩一段解之甚精大抵王驩無足与言者獨使事若有未至則當正之而驩既克勝任矣此外復言或故曰夫既有治之予何言或

獨無校乎

一說校當作快孟子快(於心)與(易良六二其心不)

快(快)旅九四我(心)不快(快)

[左傳]襄二十八年以(快)楚(心)

兒敦曰皎白色也姣女色之美也然則校有美乎

心之意則校當有快意

燕可伐與

燕可伐人可殺燕有罪而可伐則所謂人可殺亦言有罪之人也

使管叔監殷

郝敬曰如陳賈言周公使管叔監殷管叔以殷畔但言周公誤使耳孔書蔡仲之命誤解金縢我之弗辟謂周公辟管叔囚蔡叔後世遂訛傳周公殺兄

其過也如日月之食

論語子貢曰君子之過也如日月之蝕也過也人皆見之更也人皆仰之

左傳宣十三年士貞子曰稱荀林父曰夫其敢也如日月之食焉何損於明

又從而為辭

論語子夏曰小人之過也必文(文)又從而為辭文過之謂也

滕文公(又從而振德之)

萬章(又從而禮貌之)

盡心(又從而招之)

龍斷

元李治古今註列子湯問帝命夸娥氏二子 二山

一厓朔方一厓雍南自此冀之南漢之北無隴斷焉

孟子必求龍斷而登之趙云龍斷謂堞斷而高者丁

云接龍与隆聲相近隆高也張云斷如字或讀如斷

割之斷非也陸云龍斷謂壘斷而高者詳審衆說張

音陸解正与列子合今當從之 龍与隴壘通

古之為市

下係薛日中為市致天下之民聚天下之貨(交)易而

退各得其所

宿於畫

王伯厚曰水經註云畫水出時水東去臨函城十八里所謂畫中也俗以畫水為宿留水以孟子三宿出畫

馬永卿懶真子周密癸辛雜志皆以為畫刑凱垣奔遺編喬鉢燕臺文選皆從之

史記田單傳奔有畫邑人王蠋

後漢書耿弇討張步進軍畫中

論語宰予晝寢梁武以為晝寢

五百年必有王者興

孟子盡心賈誼新書敘寧詳矣

舍我其誰也

王伯厚云孟子字伊尹者也當今之世舍我其誰也是亦聖之任矣

孟子精蘊

加賀 太田元貞公幹 著

滕文公上

性善 称堯舜

告子篇論性(性)善曰乃若其情則可以(為)善矣乃所謂
 善也惻隱之心人皆有之羞惡之心人皆有之恭敬
 之心人皆有之是非之心人皆有之惻隱之心仁也
 羞惡之心義也恭敬之心禮也是非之心智也仁義
 禮智非外鑠我也我固有之也弗思耳矣故曰求則
 得之舍則失之 孟子性善情善也

善者仁義之統名性善者如言性者仁義仁義乃性也而孟子明指四端之四而解性善則性善乃四端之心四端之外別無性善也

告子篇曹交問曰人皆可以為堯舜有諸孟子曰然子服堯之服誦堯之言行堯之行是堯而已矣

言必稱堯舜言堯舜可學而至也所謂人皆可以為堯舜也下文引顏淵曰舜何人也則孟子之意如此

朱子曰堯舜則無私欲之蔽而能充其性亦故孟子與世子之言每道性善而必稱堯舜以實之此說非

也孟子所說果如朱說乎世子何疑之見世子疑吾言乎一語則孟子之意非如朱說也

程張建本然氣質二性者經傳之所無也楞嚴經有本然和合二性或原于此歟程允夫與朱子書云程子於仙老之言徃々陽排而陰用之程張之浸淫于釋老宋既已知之今之學者猶不存疑於此者何哉欲其知仁義不假外求

告子篇論性善云仁義禮智非由外鑠我也我固有之也弗思耳

聖人可學而至**告子篇**又云人皆可以為堯舜晦庵

此解極是能得此章之意上文必稱堯舜克之者非此章之意誤矣

夫道一而已

孔子曰道二仁与不仁而已矣離婁

此仁字言善也如言道二善与不善而已矣

孟子曰三子者不同道其走一也一者何也曰仁也

君子亦仁而已矣何必同告子下

仁者眾善之宗眾善可以稱仁眾善可以入仁仁

者善也故夫道一而已矣一者善也仁也

舜何人也予何人也

荀悅申鑒學必至聖可以盡性

荀卿勸學其義則始乎為士終乎為聖人

又儒效塗之人百姓積善而全盡謂之聖人

荀子謂門人學者舜何人也我何人也勸學

離婁下舜人也我亦人也舜為公於天下可傳於後

世我由未免為鄉人是則可憂也憂之如何如舜而

已矣

荀子性惡塗之人可以為禹 **又云**聖人者人之所

積而致也

公明儀

公穎達曰子張之 公明儀為志焉是其弟子儀又
為曾子弟子故**祭義**云公明儀問于曾子曰夫子可
以為孝乎是也

若藥不瞑眩

楚語白公子張諫靈王昔殷武丁云々於是作昏曰
啓乃心沃朕心藥不瞑眩厥疾不瘳韋昭云以藥喻
忠言也瞑眩顛覆攻己急也瘳愈也

趙岐云瞑眩藥攻人疾先使瞑眩憤亂乃得瘳愈

揚雄方言凡飲藥而毒東齊海岱間或謂之瞑或謂
眩

絕長補短

禮記王制凡四海之內斷長補短方三千里

韓非子初見秦今秦地折長補短方數千里

孟子嘗与我言

成十六年子重曰夫子嘗与吾言於楚必是故也

死自盡 曾子曰云々

論語曾子曰吾聞諸夫子人未有自致者也必也親

喪乎又子曰生事之以禮死葬之以禮祭之以禮

引孔子之語為曾子曰

喪祭從先祖

王伯厚云志曰喪祭從先祖注引周禮小史掌邦國之志若周志史佚之志鄭書楚書秦記之類

喪祭從先祖言先王之世典禮之盛皆從其祖先之法而不可變舊章也非言中世所為為祖先法而確守之也

歆粥面深墨

檀弓(食)粥天下之達禮也

左傳哀十三年司馬寅視吳王夫差曰肉食者(無)墨

今吳王有(墨)國勝乎太子死乎

荀子樂論其送死(瘠)墨形瘠色墨也

上有好者云

禮記緇衣下之事上也(是)物不從其所令(下)必從其所行(有)甚上好(者)矣故上之所好(者)矣惡不可不慎也(是)民之表

至葬四方來觀之

檀弓延陵季子適齊於其反也其長子死葬於贏博之間孔子曰延陵季子吳之習於禮者也(往)而觀其葬焉(其)

同上孔子之喪(有)自燕(來)觀者舍於子夏氏子夏曰聖人之葬人與人之葬聖人也(子)何觀焉(焉)

畫爾于茅膏爾素綯

爾雅綯絞也謂夜雨繩素糾絞也廣雅綯謂糾絞也繩索也

嚴氏詩緝茅不可索綯畫取茅草將以葺屋膏作索綯將以縛屋

王伯厚**困學記聞**揚泉物理論稻梁菽各二十種為六十蔬果之實助穀各二十凡為百穀故**詩**曰播厥百穀

趙氏云言教民畫取茅草夜索以為綯

恭儉

離婁恭者不侮人儉者不奪人

貢助徹

周禮鄉遂用貢(貢)澆(都鄙用助)澆

孟子下文請野九一而助國中什一使自賦

自賦貢澆也

左傳襄二十五年楚為掩為司馬令尹子木使庀賦為掩(町)原防(井)行沃

町者貢澆也井者助澆也不拘民受田之多少履民田而收租稅則貢澆也分公田私田而民治公

田則助法也二法之外無可建之制周人通夏殷之二法而用之原防山陵之地不宜井授者授民以田百畝而取十畝之租是用夏之貢法也平行沃饒之野則為井田之制是用殷之助法也通用夏殷之二法故謂之徹者通也井田之法謂之九一其實則十一分之一也舉其大數謂之什一

大戴主言昔者明主(稅十取一)

家語王言(十一而稅) **荀子王制**(田野什一)

公羊宣十五年古者什一而籍古者曷為什一而籍什一者天下之中正也

穀梁莊二十八年古者稅什一

同上宣十五年古者什一籍而不稅

同上哀十二年古者公田什一

世祿

畢命世祿之家 **左傳**叔孫穆子曰此之謂世祿不是不朽

梁惠王昔者文王之治岐也耕者九一仕者世祿二者王政之本也

詩云周雖舊邦云々並子

呂覽古樂周公且乃作詩曰文王在上於昭于天周

雖舊邦其命維新以繩文王之德

繩与繩通

左傳僖九年凡在喪王曰小童公侯曰子

圭田

王制夫圭田無征

小雅吉蠲為饗 韓註作吉圭為饗出周禮鄭註圭

田蠲田也蓋圭蠲潔三字通猶厲山 魯語烈山 祭法

連山之道也

堯典烈風奔物論厲風圭蠲之通与此同

井田

食貨志理民之道地著為本故必建步立晦正其經

界六天為步二百為晦二百為夫三為屋三為

井一方一里是為九夫八家共之各受私田百晦公

田十畝是為八百八十晦餘二十晦以為廬舍出入

相友守望相助疾病相救民是以和睦而教化齊同

力役生產可得而平也

又云農民戶人已受田其家眾男為餘夫亦以口受

田如此

韓詩外傳古者八家而井田方里而為井廣三百步

長三百步為一里其田九百畝廣一步長一步為一

畝廣百步長百畝為百畝八家為隣家得百畝餘夫
各得二十五畝家為公田十畝餘二十畝共為廬舍
各得二畝半八家相保出入更守疾病相憂患難相
聚安之義乎故有無相貸飲食相召嫁娶相謀漢獮分得仁恩施
行是以其民和親而相好詩曰中田有廬疆場有瓜

潤澤

論語行人子羽脩飾之東里子產潤色之

為神農之言

漢藝文志農家有神農二十篇此即劉向別錄云疑

李悝商君說

呂氏春秋開春論云神農之教曰士有當年而不耕
者則天下或受其饑矣女有當年而不績者則天下
或受其寒矣故身親耕妻親績所以見致民利也

管子引神農之數 文子亦引神農之法

醫方之稱黃帝岐伯

本草之稱神農

道家之稱黃帝

農豕之稱神農

皆戰國之人所託其名而重其術也

下繫絳包犧氏沒神農氏作斷木為耜揉木為耒
耨之利以教天下蓋取諸益

亦異曾子

曾子雖同門之人不敢師事之者信聖師之篤也陳
相兄弟倍良師而從左道是大異於曾子

自吾聞至不善變

孟子以許行之道為蠻夷戎狄之道故曰蠻夷戎狄
變於夷又云南蠻貊舌又云戎狄是膺盡用蠻夷戎狄

四字

市

下繫絳包犧氏沒神農氏作日中為市致天下之民

聚天子之貨交易而退各得其所蓋取諸噬嗑

墨之治喪也 易天下

王伯厚曰墨之治喪以薄宋書禮志引尸子禹治水
為喪恣曰桐棺三寸制喪三日盡墨家託於禹也

論語天_(天)下_(下)有道丘不_(易)與_(易)也

若保赤子以下

夷子引康誥以為愛他人如保己之赤子是愛無差
等也與墨子兼愛尚同同

愛親愛他人愛無差等唯施物則自己親始棺槨衣

衾之美則施之類也葬其親之厚則是施之始自親也蓋以適辭欲拒孟子之非厚葬矣可見其心之窮也

祭義立受自親始教民睦也立敬自長始教民順也

蓋上世以下

下繫薛古之葬者厚衣之以薪葬之中野不封不樹

喪期無數後世聖人易之以棺槨蓋取諸大過

睨而不視

詩伐柯執柯以伐柯睨而視之猶以為遠

滕文公下

王良

荀子王霸王良造父者善服馭者也欲得善馭及速

致遠則莫若王良造父矣

範我馳駟

周禮遂禽左之類是也

詭遇

詭遇枉道獲利也枉道獲利則行有不慊於心而浩

然之氣餒矣聖賢之不為詭遇者養氣之方也

御者且羞以下

阿黨朋黨為比詭遇者御者之朋比射者也

萬章伊尹章吾未聞枉(己)而(正)人者也况辱(己)以(正)
(天下者乎)

父命之母命之

士昏禮記父送女命之曰戒之敬夙夜毋違命毋施
衿結悅曰勉之敬之夙夜無違宮事

穀梁桓二年禮送女父不下堂母不出祭門諸母兄
弟不出闕門父戒之曰謹慎從尔舅之言母戒之曰
謹慎從尔姑之言諸母般申之曰謹慎尔父母之言

經傳說禮異同如此

居天下之廣居以下

如此人仰不愧于天俯不愧于人志氣塞乎天地之
間是謂之浩然之氣矣

曲禮富(貴)而知好礼則不驕(不)濫(貧)賤(而)而知好礼則
(志)(不)(懼)

必載質

荀子大畧(錯)質之臣不息鷄豚注錯置也質讀為贄
不敢以祭云々

穀梁成七年宮室不設不可以祭衣服不備不以祭
車馬器械不備不可以祭有司一人不備不可以祭
禮記王制大夫士宗廟之祭有田則祭無田則薦鹿
人春薦韭夏薦麥秋薦黍冬薦稻

食志食功

盡心孟子曰君子居是國也其君用之則安富尊榮
其子弟從之則孝弟忠信不素餐兮孰大於是矣

侵于之疆

邶風泉水出宿于干飲餞于言

我武惟揚

天雅大明維師尚父時維鷹揚

史記晏子傳意氣揚

續秦傳志高氣揚

莊嶽

左傳陳桓子曰得慶民之木於莊襄二十八年

又云乘高敗之敗諸莊昭十年

高國戰于莊敗哀六年

慶封反陳于獄(襄二十八年)

莊嶽齊都街里之名

段干木

呂不韋云段干木晉國之大駟也學干子夏為天下名士顯人以終其壽

羅泌曰段干氏初邑段後邑干因邑為氏魏世家有段干子田世家有段干明而風俗通氏姓注乃以為姓段名干木蓋以呂氏春秋干木光于德與魏都賦干木之德之言誤之唐百官表遂謂封段而為干木

大夫踈矣幽通賦云木偃息以藩魏干木豈其名哉

陽貨欲見孔子

王藻大夫親賜士、并受又拜於其室衣服弗服以拜敵者不在拜於其室

論語陽貨欲見孔子孔子不見歸孔子豚孔子時其亡也而往拜之遇諸塗

今茲未能

趙注今年未能茲字即年字

古詩為樂當及時安能待來(來)茲
呂覽有今茲美禾(來)茲美麥(來)語

攘鷄

攘鷄(爾)書攘竊犧牲用(論)語攘羊(左)傳攘公之翰
皆用此字

暴行有作

荀子性善今誠以人之性固正理平治邪則有(有)用
礼義矣哉

堯典三百有六句有六日

呂氏召類中主猶且為之(有)况於賢主乎

達爵簡子不賢鐸也卒不居趙地(有)况乎在簡子之

側乎

荀子姓惡然則有(有)曷貴堯禹曷貴君子矣哉注有讀
為又

無父無君是禽獸也

離婁(人)之(所)以(異)於(禽)獸者幾希庶民去之君子存
之

告子夜氣不足以存則其(違)禽獸(不)遠矣(人)見其禽
獸而以為未嘗有才焉者

畫心 形色天性也惟聖人然後可以踐形

巨擘

王楙曰齊地有蟲類蚯蚓人謂之曲善擘地以行呼
之聲也孟子所謂吾必以仲子為巨擘者即蚯蚓之
大者蓋嘗謂蚓而後充其蹠注以為大指非也

右野客叢書附錄

上食稿攘下飲黃泉

瓜牙之誤字

荀子勸學 蟷無瓜牙之利筋骨之強上食埃土下飲

黃泉用心一也

兄戴蓋祿萬鍾


元李治曰凡戴蓋祿萬鍾戴蓋祇是乘軒

類頰

類 眉也頰蹙頰也

首蹙頰

(深) (蹙) (頰)



盡心 形色天性也惟聖人然後可以踐形

巨擘

王楙曰齊地有蟲類蚯蚓人謂之曲善擘地以行呼
之聲也孟子所謂吾必以仲子為巨擘者即蚯蚓之
大者蓋嘗謂蚓而後充其蹠注以為大指非也

右野客叢書附錄

上食稿攘下飲黃泉

瓜之類乎

荀子勸學 蟷無瓜牙之利筋骨之強上食埃土下飲
黃泉用心一也

兄戴蓋祿萬鍾

元李治曰凡戴蓋祿萬鍾戴蓋祇是乘軒

類頰

類 眉也頰蹙頰也

梁惠王下 奉疾首蹙頰

莊子至樂觸醜深蹙頰

